

## L E B H I T I C U S.

agus naomhaich e i, a dheanamh reite oirre.

16 Agus ghabh e 'n igh uile a *bha* air a' mhionach, agus an scairt *os cionn* nan àinean; agus an dà àra, agus an igh; agus loisg Maois *iad* air an altair.

17 Ach an tarbh agus a fheiche, agus fheoil, agus aolach<sup>a</sup>, loisg e le teine an taobh a muigh do'n champa, mar a dh'aithn an Tighearna do Mhaois.

18 Agus thug e leis an reithe *air son* na h-ìobairt-loisgte: agus chuir Aaron agus a mhic an làmhnan air ceann an reithe.

19 Agus mharbh fe e; agus chrath Maois an fhuil air an altair m'an cuairt.

20 Agus ghearr e 'n reithe 'na mhiribh, agus loisg Maois an ceann agus na mìrean, agus an t-faill.

21 Agus nigh e am mionach agus na casan ann an uisge; agus loisg Maois an reithe uile air an altair: b'ìobairt-loisgte e, chum faile cùbhraidh, tabhartas air a thoirt suas le teine do'n Tighearna, mar a dh'aithn an Tighearna do Mhaois.

22 Agus thug e leis an reithe eile, reithe a' choisreagaidh: agus chuir Aaron agus a mhic an làmhnan air ceann an reithe.

23 Agus mharbh fe e, agus ghabh Maois *cuid* d'a fhuil, agus chuir e i air bàrr cluaife deise Aaron, agus air ordaig a làimhe deise, agus air ordaig a choise deise.

24 Agus thug e leis mic Aaron, agus chuir Maois *cuid* do'n

fhuil air bàrr an cluaife deise, agus air ordaig an làimhe deise, agus air ordaig an choise deise<sup>b</sup>: agus chrath Maois an fhuil air an altair m'an cuairt.

25 Agus ghabh e 'n t-faill, agus an t-earball, agus an igh uile a *bha* air a' mhionach, agus an scairt *os cionn* nan àinean, agus an dà àra<sup>c</sup> agus an igh, agus an sliinnean deas.

26 Agus a bascaid an arain neo-ghoirtichte, a *bha* 'n làthair an Tighearna, ghabh e aon bhreacag neo-ghoirtichte, agus aon bhreacag do aran le h-oladh, agus aon dearnagan<sup>d</sup>, agus chuir e *iad* air an t-faill, agus air an t-slinnean deas.

27 Agus chuir e 'n t-iomlan air làmhnan Aaron, agus air làmhnan a chuid mac<sup>e</sup>, agus luaisg e *iad* mar thabhartas-luaisgte 'an làthair an Tighearna.

28 Agus ghabh Maois *iad* bhàrr an làmh, agus loisg e *iad* air an altair os cionn na h-ìobairt-loisgte; *bu* tabhartas-coisreagaidh *iad* a chum faile cùbhraidh: tabhartas air a thoirt suas le teine do'n Tighearna.

29 Agus ghabh Maois an t-uchd, agus luaisg fe e mar thabhartas-luaisgte 'an làthair an Tighearna: b'e cuibhrionna Mhaois e do reithe a' choisreagaidh; mar a dh'aithn an Tighearna do Mhaois.

30 Agus ghabh Maois *cuid* do'n oladh-ungaidh, agus do'n fhuil a *bha* air an altair, agus chrath e air Aaron i, air éididh, agus air a mhic, agus air éididh a mhac maille ris: agus naomhaich e Aaron, agus éididh,